

Na osnovu pozitivnih zakonskih propisa i opštih akata Udruženja za zaštitu prava proizvođača fonograma „FONOGRAM“ (u daljem tekstu: FONOGRAM), a prema ukazanim potrebama organa Udruženja FONOGRAM-a, a na osnovu ovlaštenja iz Statuta FONOGRAM-a, Skupština FONOGRAM-a na sjednici održanoj 03.07.2017. godine, donosi:

PRAVILNIK O OTPISU POTRAŽIVANJA

Član 1.

Pravilnikom o otpisu potraživanja (u daljem tekstu : Pravilnik) utvrđuju se kriteriji, uslovi i postupak za otpis potraživanja Udruženja za zaštitu prava proizvođača fonograma „FONOGRAM“ (u daljem tekstu Udruženje) s osnove naknada za korištenje fonograma koje se naplaćuju od korisnika fonograma u skladu sa važećim Zakonom o Kolektivnom ostvarivanju autorskog i srodnih prava i Zakonom o autorskom i srodnim pravima.

Član 2.

- (1) Udruženje može u skladu sa odredbama ovog Pravilnika na prijedlog Stručne službe Udruženja (u daljem tekstu : Stručna služba) otpisati potraživanje.
- (2) Organi Udruženja koji mogu otpisati potraživanje (u daljem tekstu: Organi odlučivanja) su: Skupština Udruženja i Upravni Odbor Udruženja.
- (3) Skupština Udruženja može u skladu sa odredbama ovog Pravilnika na prijedlog Stručne službe otpisati potraživanje preko iznosa 50.000KM.
- (4) Upravni odbor Udruženja može u skladu sa odredbama ovog Pravilnika na prijedlog Stručne službe otpisati potraživanje do iznosa 50.000.KM

Član 3.

Ovaj Pravilnik primjenjuje se na dužnika pravu osobu (u daljem tekstu: dužnik)

Član 4.

Potraživanja koja se ne mogu naplatiti otpisuju se kao nenaplativa.

- a) Ako postoji pravomoćno Rješenje o zaključenju stečajnog postupka nad dužnikom;
- b) Ako postoji pravomoćno Rješenje o brisanju iz sudskog registra ili drugog odgovarajućeg registra.

Član 5.

Tokom postupka odlučivanja o pravima koja su predmet ovog Pravilnika, organ odlučivanja utvrđuje:

- a) Poduzete mjere pri naplati potraživanja
- b) Opravdanost daljnjih troškova naplate s obzirom na visinu potraživanja;
- c) Prijedlog za otpis potraživanja;
- d) opravdanost prijedloga za otpis potraživanja prema slobodnoj ocjeni dokaza pri čemu će se utvrditi sve činjenice relevantne za donošenje odluke.

II OTPIS POTRAŽIVANJA

Član 6.

- (1) Prijedlog za otpis potraživanja podnosi Stručna služba (u daljem tekstu: Prijedlog)
- (2) Prijedlog se podnosi pismenim putem.

(3) Prijedlog se podnosi Organu odlučivanja.

Član 7.

Uz Prijedlog, Stručna služba obavezno prilaže:

1. Dokaz o finansijskoj sposobnosti :
 - a) BON-1 dostavlja se u izvorniku ili preslici i ne smije biti stariji od 6 mjeseci od dana podnošenja zahtjeva;
 - b) BON -2 ili SOL-2 dostavlja se u izvorniku ili preslici i ne smije biti stariji od 30 dana od dana podnošenja Prijedloga.
2. Jedan od instrumenata osiguranja duga; neoopoziva garancija banke, zalog vrijednosnih papira, fiducija, založno pravo na nekretninama, pokretninama i pravima građenja, mjenica, zadužnica ili jamstvo drugih trgovačkih društava soldinog boniteta;
3. Fotokopiju ugovora o neisključivom ustupanju fonogramskih prava kojeg su zaključili Udruženje i dužnik za kojeg se otpis predlaže;
4. Iznos potraživanja čiji se otpis predlaže;
5. Obavještenje nadležnog sektora u Stručnoj službi o ukupnom iznosu potraživanja, koji se predlaže za otpis;
6. Druge dokaze od uticaja na odlučivanje o Prijedlogu za otpis potraživanja, ukoliko postoje.

Član 8.

(1) Organ odlučivanja će u slučaju nepotpunog Prijedloga i/ili ako nisu dostavljeni svi prilozi uz Prijedlog u skladu sa članom 7. ovog Pravilnika donijeti zaključak kojim će Stručnu službu upozoriti na nedostatke i naložiti joj da Prijedlog nadopuni u roku od 15 dana od dostave.

(2) Organ odlučivanja će Prijedlog koji ne bude dopunjen i/ili traženi prilozi ne budu dostavljeni u skladu sa zaključkom iz stava 1. ovog člana odbaciti odlukom.

Član 9.

(1) Organ odlučivanja iz Člana 2. Stava (3) će na svom prvom zasijedanju kojeg održi nakon prijema Prijedloga, uz brižljivu ocjenu svih dokaza i okolnosti, razmotriti Prijedlog i ako su ispunjeni svi propisani uslovi u skladu sa važećim zakonima Bosne i Hercegovine i ovim Pravilnikom udovoljiti zahtjevu i donijeti odluku o otpisu potraživanja.

(2) Organ odlučivanja iz člana 2. Stava (4) će u roku od 15 dana od dana prijema Prijedloga, uz brižljivu ocjenu svih dokaza i okolnosti, razmotriti Prijedlog i ako su ispunjeni svi propisani uslovi u skladu sa važećim zakonima Bosne i Hercegovine i ovim Pravilnikom udovoljiti zahtjevu i donijeti odluku o otpisu potraživanja.

(3) Organi odlučivanja će po izvršnosti Odluke o otpisu potraživanja iz člana 9. ovog Pravilnika, istu dostaviti Stručnoj službi.

III PRELAZNE I ZAVRŠNE ODREDBE

Član 10.

Ovaj Pravilnik stupa na snagu danom donošenja, a potvrđuje ga Skupština.

Udruženje za zaštitu prava
proizvođača fonograma "FONOGRAM"

Broj: A-169-07/17 Datum: 05.07.2017.



Predsjednik Skupštine
Svjetlana Guja